

South Sotho - Holotswe Lefu Mangolo - Free from Death Scriptures

BaRoma 6:23 Hobane moputso wa sebe ke lefu; empa neo ya mohau ya Modimo ke bophelo bo sa feleng, ka Jesu Kreste, Morena wa rona.

BaRoma 8:2 Hobane molao wa Moya wa bophelo, o leng ho Jesu Kreste, o nk golotse molaong wa sebe le wa lefu.

2 Timothea 1:10 mme jwale, o tswa pepeswa ka ho hlaha ha Mmoloki wa rona Jesu Kreste, ya fedisitseng lefu, a bea bophelo le ho se shwe leseding ka Evangeli,

Jobo 5:2 Athe bohale bo bolaya lehlanya, mme lewatla le bolawa ke mona.

Hosea 13:14 Na ke tla ba lopolla matleng a nqalo ya bafu, ke ba namolele lefung? Wena lefu, mahloko a hao a kae? Wena nqalo ya bafu, tshenyeho ya hao e kae? Ha ke bone kamoo nka fetohang tabeng eo kateng.

Dipesaleme 9:13 Nkgauhele, Jehova; bona bomadimabe boo ba ntloileng ba nkgatakelang ka bona, wena ya nnyollang menyakong ya lefu,

Jobo 6:26 Na a ke dipolelo tsa ka tseo le ratang ho di kgalemela na? Na ditaba tsa ya tsherehaneng, na ke moyo feela o yang le tsona na?

Jobo 33:22 ha moyo wa hae o se o atametse lebitla, mme bophelo ba hae bo se bo tla kgaolwa.

Esekiele 37:12,13 Ha ho le jwalo, o porofete, o re ho bona: Morena Jehova o re: Bonang, ke se ke tla phetla mabitla a Iona, ke le nyolle mabitleng a Iona, Iona setjhaba sa ka, ke le busetse naheng ya Israele. 13 Etlare hobane ke phetle mabitla a Iona, ke le nyolle mabitleng a Iona, Iona setjhaba sa ka, le tla tseba hoba ke nna Jehova.

Mattheu 27:52 mabitla a buleha, le ditopo tse ngata tsa bahalaledi ba robetseng tsa tsoha.

Genese 2:7 Jehova Modimo a bopa motho ka lerole la lefatshe, mme a budulela dinkong tsa hae phefumoloho ya ho phela, mme motho ya eba moyo o phelang.

Genese 6:17 Bona, nna ke ya tlisa morwallo wa metsi lefatsheng, ho fedisa nama yohle e nang le phefumoloho ya ho phela tlasa lehodimo, mme hohle ho lefatsheng ho tla shwa.

Genese 7:15 Pedi ka pedi tsa nama yohle e nang le phefumoloho ya ho phela, tsa tla ho Nowe arekeng.

Genese 7:22 Dintho tsohle tse neng di na le phefumoloho ya ho phela dinkong tsa tsona, kaofela ha tse dutseng moo ho omileng tsa eshwa.

Jobo 12:10 eo meya ya tse phelang kaofela e leng letsohong la hae, le phefumoloho ya batho bohle?

Jobo 33:4 Moya wa Modimo o nkentse, pudulo ya Ya matla wohle e a mphedisa.

Diketso 17:25 ha o sebeletswe ke batho ka matsoho, jwaloka hoja o hloka letho, kanthe ke wona o fang bohole bophelo le phefumoloh le dintho tsohle.

Tshenolo 13:15 Sa fuwa matla a ho kenya phefumoloh setshwantshong sa sebata, hore setshwantsho sa sebata se tsebe ho bua, se etse le hore ho bolawe bohole ba hanang ho kgumamela setshwantsho sa sebata.

Johanne 10:10 Senokwane ha se tle haese ho utswa, le ho hlab, le ho timetsa feela; nna, ke tlie hore di be le bophelo, di bo bone ka ho fetisisa.

Esaia 28:15 Le itse: Re entse selekane le lefu, re na le kopano le nqalo ya bafu; leha kotlo e tlang jwaloka morwallo e ka tla kwano, e ke ke ya re etsa letho, hobane re entse leshano setshabelo sa rona, mme thetso ke tshirelo ya rona.

Esaia 28:18 Selekane sa Iona le lefu se tla etswa lefeela, kopano ya Iona le nqalo ya bafu e ke ke ya tiya; kotlo e tlang jwaloka morwallo ha e fihla, ka yona le tla ba jwaloka hoja le hataketswe ka maoto.

Esaia 5:24 Ka baka leo, jwaloka malakabe a mollo ha a eja ditlhaka, le kgabo ha e tjhesa hlah, motso wa bona o tla bola, o fele jwalo, le palesa ya bona e tla foforesha jwaloka lerole, hobane ba nyatsitse molao wa Jehova wa makgotla, ba nyedisitse lentswe la Mohalaledi wa Israele.

Joele 1:12 Morara o omeletse, sefate sa feiye se ponne; sa garanata le sa palema le sa diapole, tjhe, difate tsohle tsa nahah di omeletse, thabo e fedile baneng ba batho.

Hosea 13:15 Leha Efraime a beha ditholwana hara banababo, moywa botjhabela o ya foka, moywa Jehova o ya tswa feelleng. Ho tla psha sediba sa hae, mehlodi ya hae e ome. Sera se tla hapa matlotlo a mesebetsi yohle ya bohlokwa.

Tshenolo 22:1 Lengeloi la mpontsha hape nokha e ntle ya metsi a bophelo, a hlwekileng jwaloka kristale, e tswang teroneng ya Modimo le Konyana.

Johanne 4:10 Jesu a mo araba, a re: Hoja o tsebile neo ya Modimo, le ya reng ho wena: Mphe, ke nwe, ke wena o ka beng o qetse ho yena, mme a ka be a o file metsi a kollang.

Johanne 4:14 Empa e mong le e mong ya nwang metsi ao ke mo neang wona, a ke ke a hlola a nyorwa le ka mohla o le mong, mme metsi ao nna ke mo neang wona, e tla ba ka ho yena sediba sa metsi a phallelang bophelong bo sa feleng.

Diproverbia 13:14 Thuto ya motho ya bohlale ke sediba sa bophelo ho phephisa batho mamena a lefu.

Diproverbia 14:27 Ho tshaba Jehova ke sediba sa bophelo, ho qobisa batho mamena a lefu.

Esekiele 13:17-23 Haele wena, mora motho, lebisa sefahleho sa hao nqa ho baradi ba tjhaba sa heno ba porofetang ka ho rata ha dipelo tsa bona, o ba porofetele, 18 o re: Morena Jehova o re: Ho madimabe ba rokang mesangwana ya ho apesa dinoko tsohle tsa letsoho, ba etsang mesamelo ya dihlooho tse boholo bofe le bofe, hore ho tshwaswe meya ya batho. Na le re, le ka tshwasa meya ya ba setjhaba sa ka, le ntse le pholositse meya ya lona na? 19 Le ntlhompholotse pela setjhaba sa ka, ka baka la dikakolo tsa harese le dingwatho tsa bohobe, ka ho bolaya meya e neng e sa tshwanela ho shwa, le ka ho pholosa meya e neng e sa tshwanela ho phela, le ka ho thetsa setjhaba sa ka se mamelang leshano. 20 Ha ho le jwalo, Morena Jehova o re: Ke hloile mesangwana ya lona eo le tshwasang meya ya batho ka yona, jwaloka hoja e le dinonyana; ke tla e hahola matsohong a lona, ke tle ke lokolle meya e tshwasitsweng, ke lokolle meya eo le e tshwasitseng jwaloka hoja e le dinonyana. 21 Ke tla hahola le mesamelo ya lona, ke tle ke namolele setjhaba sa ka diatleng tsa lona, mme ha se sa tla ba matsohong a lona hore se tshwaswe ke lona, le tle le tsebe hoba ke nna Jehova. 22 Erekaha le hlomodisitse ka bohata pelo ya ya lokileng eo ke neng ke sa mo hlomodise, mme le natlafaditse diatla tsa e mobe, hore a se ke a sokoloha tseleng ya hae e mpe, a tle a tsebe ho pholoswa, 23 le hona ha le sa tla bona dipono tsa lefeela, ha le sa tla etsa bonohe. Ke tla namolela setjhaba sa ka diatleng tsa lona, le tle le tsebe hoba ke nna Jehova.

Jeremia 21:8 O tle o boelle setjhaba sena, o re: Ho itswe ke Jehova: Bonang, ke bea tsela ya bophelo le tsela ya lefu pontsheng ya lona.

Jobo 34:22 Ha ho lefifi, ha ho moriti o motsho, moo ba sebetsang bokgopo ba ka ipatang teng.

Dipesaleme 16:10 hobane o ke ke wa tlohela moywa ka nqalang ya bafu, o ke ke wa dumela hoba mokgethwa wa hao a bone ho bola.

Dipesaleme 23:4 Leha nka tsamaya kgohleng ya moriti wa lefu, nke ke ka tshoha bobo leha bo le bong, hobane o na le nna; lere la hao le seikokotlelo sa hao ke tsona tse ntshedisang.

Dipesaleme 30:3 Jehova, o nyolotse moywa ka nqalang ya bafu, o ntsositse, hore ke se theohele lebitleng.

Dipesaleme 49:15 Empa Modimo o tla hlwibila moywa ka matleng a nqalo ya bafu, hobane o tla nkamohela. (Sela.)

Dipesaleme 56:13 Hobane o lwetse bophelo ba ka lefung, o bolokile maoto a ka ho weng, ke tle ke tsamaye pela hao, Modimo, leseding la ba utlwang.

Dipesaleme 68:20 Modimo ho rona ke Modimo o bolokang; Jehova Morena o tseba ho ntsha lefung.

Dipesaleme 89:48 Motho ke mang ya phelang, mme a sa tlo ka a bona ho shwa? Ke mang ya ka lopollang moywa hae matleng a nqalo ya bafu? (Sela.)

Dipesaleme 102:19,20 Hobane phahameng ya sehalalelo sa hae, Jehova o tadimile; phahameng ya mahodimo, o lebisetsa mahlo a hae fatshe, 20 ho mamela medumaelo ya batlamuwa, ho lokolla ba kgethetsweng lefu,

Dipesaleme 116:8 Efela o ntshitse moywa hae ka lefung, le mahlo a ka dillong, le maoto a ka kgothometsehong.

Diproverbia 10:2 Maruo o fumanwang ka bokgopo ha a na moeno; empa ho loka ho qobisa lefu.

Esaia 26:19 Bafu ba hao a ba ke ba boele ba utlwe; ditopo tsa ka a di ke di tsoswe! Tsohang, lona ba robetseng leroleng, le thabe, hobane phoka ya hao ke phoka e medisang, mme lefatshe le tla ntsha bafu ba ho lona.

Johanne 5:28,29 Se makaleng ke hoo; hobane nako e a tla eo bohle ba mabitleng ba tla utlwa lentswe la hae; 29 mme ba tla tswa ho wona, ba entseng hantle ba tsohele bophelo, mme ba entseng hampe ba tsohele tsuo.

Johanne 10:28 Nna ke di fa bophelo bo sa feleng, mme di ke ke tsa timela le ka mohla o le mong, mme ha ho motho ya ka di utlang letsohong la ka.

Johanne 11:43,44 Eitse hobane a bolele tseo, a howa ka lentswele le holo, a re: Lasaro, tswa moo! 44 Yaba mofu o tswa a thatilwe matsoho le maoto ka masela, a kgurumeditse sefahleho ka tuku. Jesu a re ho bona: Mo lokolleng, le mo lesele a itsamaele.

Johanne 12:17 Bongata bo nang le yena bo ne bo paka hore o bitsitse Lasaro lebitleng, mme o mo tsositse bafung.

Johanne 17:2 hobane o mo neile borena hodima nama yohle, hore bohle bao o mo neileng bona a ba nee bophelo bo sa feleng.

1 BaKorinthe 15:19-26 Ha re tshepile Kreste bophelong bona feela, re fetisa batho bohle ka soto. 20 Tjhe, empa Kreste o tsohile bafung, mme o beilwe thakangwaha ya ba robetseng. 21 Hobane lefu ha le hlahile ka motho, tsoho ya bafu le yona e hlahile ka motho. 22 Hobane jwalokaha bohle ba eshwa ka Adama, bohle le jwale ba tla boela ba phele ka Kreste. 23 Empa e mong le e mong o tla tsoha nakong eo e leng ya hae; thakangwaha ke Kreste; hamorao ke bao e leng ba Kreste; ba tla tsoha ho tleng ha hae. 24 Hamorao, ho tla tla bofelo, mohla a busetsang mmuso ho Modimo Ntate, mme a fedisang borena bohle, le mebuso yohle, le matla wohle. 25 Hobane e ka kgona a buse, a tle a be a bee dira tsohle katlasa maoto a hae. 26 Sera se tlang ho fediswa moraorao ke lefu.

2 BaKorinthe 1:9,10 Empa kahlolo ya ho shwa ya hla ya eba ka ho rona, hore re tle re se ke ra itshepa, re mpe re tshepe Modimo o tsosang bafu;

- 10 e leng wona o re pholositseng lefung le lekalo, mme o sa ntse o re pholosa, mme re tshepile hoba o sa tla nne o re pholose,**
- 2 BaKorinthe 3:6 e leng wona hape o re fileng matla a ho ba basebeletsi ba selekane se setjha, e seng sa letere, empa e leng sa Moya; hobane letere yona e a bolaya, empa Moya o a phedisa.**
- BaKolose 1:21,22 Le Iona, le neng le le hole pele, le neng le sa le dira ka mehopolo le ka mesebetsi e mebe, 22 jwale o le buseditse kgotsong ka mmele wa nama ya hae, ka lefu la hae, a tle a le hlahise pela wona le halalela, le se na letheba le molato;**
- BaHeberu 2:9 Empa re bona Jesu ya neng a beilwe ka sebaka se seng sekae katlasana ho mangelo, a rwsitswe moqhaka wa kganya le wa hlompho ka baka la lefu leo a le utlwileng, hore, ka mohau wa Modimo, a utlwe lefu ka baka la bohole.**
- BaHeberu 2:14,15 Mme kahobane bana ba na le kabelo nameng le mading, le yena o ile a ba le kabelo teng jwaloka bona, hore a fedise ka lefu la hae ya nang le mmuso wa lefu, ke ho re, Diabolose, 15 mme a lokolle bohole ba neng ba le bohlankeng ka matsatsi wohle a ho phela ha bona ke ho tshaba lefu.**
- BaHeberu 11:5 Ka tumelo, Henoke o nkilwe hore a se ke a bona lefu, mme ha a ka a fumanwa, kahobane Modimo o ne o mo nkile; mme enere a eso ho nkwe, o pakilwe hore o kgahlisitse Modimo.**
- 1 Petrose 3:18 Hobane le yena Kreste o ne a utlwiswe bohloko hang ka baka la dibe; yena ya lokileng o bolaetswe bakgopo, hore a tsebe ho re tlisa ho Modimo; o shwele ka nqeng ya nama, empa o phedisitswe ka nqeng ya moyo.**
- 2 Petrose 1:3 Haele moo matla a hae, e leng matla a Modimo, a re neile dintho tsohle tseo e leng tsa bophelo le tsa borapedi, ka tsebo ya ya re bitsitseng ka kganya le ka matla a hae;**
- 1 Johanne 3:14 Moo re tsebang hobane re faletse lefung ho kena bophelong, ke ha re rata banababo rona. Ya sa rateng ngwanabo o sa dutse lefung.**
- 1 Johanne 5:11 Mme bopaki boo ke hoba Modimo o re neile bophelo bo sa feleng, mme bophelo boo bo ho Mora wa wona.**
- Tshenolo 21:6 A ba a re ho nna: Ho phethehile! Ke nna alfa le omega, qalo le qetello. Ya nyorilweng ke tla mo nosa feela metsi a sediba sa bophelo.**